



Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta

Complectens Tertiam Partem Summæ Theologiæ. Cum Commentariis
Reuerendiss. D. Thomæ de Vio Caietani Cardinalis S. Sixti, Et Opvscvlis
Eivsdem In tres Tomos distinctis

Thomas <von Aquin, Heiliger>

Venetiis, 1593

1. Vtrum per baptismum auserantur omnia peceta.

[urn:nbn:de:hbz:466:1-72797](https://nbn-resolving.org/urn:nbn:de:hbz:466:1-72797)

De effectibus baptismi, in decem articulos diuisa.

EINDE considerandum est de effectibus baptismi.

ET circa hoc quaruntur decem.

¶ Primo, Vtrum per baptismum auferantur omnia peccata.

¶ Secundo, Vtrum per baptismum liberetur homo ab omni poena.

¶ Tercio, Vtrum baptismus auferat penalitates huius uitae.

¶ Quarto, Vtrum per baptismum conferantur homini gratiae & uirtutes.

¶ Quinto, De effectibus uirtutum, qui per baptismum conferuntur.

¶ Sexto, Vtrum etiam paruuli in baptismo gratias & uirtutes accipiant.

¶ Septimo, Vtrum per baptismum aperiatur baptizatis ianua regni caelestis.

¶ Octauo, Vtrum baptismus aequalem effectum habeat in omnibus baptizatis.

¶ Nono, Vtrum fictio impediat effectum baptismi.

¶ Decimo, Vtrum recedente fictioe, baptismus obineat suum effectum.

ARTICVLVS PRIMVS.

Vtrum per baptismum tollantur omnia peccata.

AD PRIMVM sic proceditur. Vt per baptismum non tollantur omnia peccata. Baptismus enim est quadam spiritualis regeneratio, quae contraponitur generationi carnali: sed per generationem carnalem homo contrahit solum originale peccatum: ergo per baptismum soluitur solum originale peccatum.

¶ 2 Præ. Pœnitentia est sufficiens causa remissionis actualium peccatorum: sed ante baptismum in adultis requiritur pœnitentia, secundum illud Act. 2. Pœnitentiam agite, & baptizetur unusquisque uestrum: ergo baptismus nihil operatur circa remissionem actualium peccatorum.

¶ 3 Præ. Diuertorum morborum diuersæ sunt medicina: quia sicut Hieron. dicit, non sanat oculum, quod sanat calcanem: sed peccatum originale, quod per baptismum tollitur, est aliud genus peccati a peccato actuali: ergo non omnia peccata remittuntur per baptismum.

SED CONTRA est, quod dicitur Ezech. 36. Effundam super uos aquam mundam, & mundabimini ab omnibus inquinamentis uestris.

RESPON. Dicendum, quod sicut Apostolus dicit Rom. 6. Quicumque baptizati sumus in Christo Iesu, in morte ipsius baptizati sumus. Et postea concludit, Ita & uos existimate mortuos quidem esse peccato, uiuentes autem Deo in Christo Iesu domino nostro. Ex quo patet, quod per baptismum homo moritur uetustati peccati, & incipit uiuere nouitati gratiae: omne autem peccatum ad pristina uetustatem pertinet. unde consequens est, quod omne peccatum per baptismum tollatur.

AD PRIMVM ergo dicendum, quod sicut Apostolus dicit Roma. 5. Peccatum Adæ non tantum potest, quantum potest donum Christi, quod in baptismo percipitur. Nam iudicium ex vno in condemnationem, gratia autem ex multis delictis in iustificacionem. unde & Aug. dicit in lib. de baptismo paruulorum, quod generante carne tantummodo trahitur peccatum originale: regenerante

2. di. 32. q. 1. artic. 1. & 4. di. 4. q. 2. artic. 2. q. 1. & dist. 27. q. 3. ar. 5. quæst. Et 4. com. c. 19. & 72. Heb. 6. h.

Mar. 9. super illud uerb. Hoc genus demoniorum non eijcitur, nisi & c. to. 9.

Li. de peccat. merit. & remissio. 15. in fi. to. 7.

F autem spiritu, non solum originalium, sed etiam uoluntariorum fit remissio peccatorum.

AD SECYNDVM dicendum, quod nullius peccati remissio fieri potest, nisi per uirtutem passionis Christi: unde & Apostolus dicit Hebr. 9. sine sanguinis effusione non fit remissio. unde motus humane uoluntatis, qui est in penitente, non sufficeret ad remissionem culpe, nisi adesset fides passionis Christi, & propositum participandi ipsam, uel suscipiendo baptismum, uel subiiciendo se clauibus ecclesie: & ideo quando aliquis adultus penitens ad baptismum accedit, consequitur quidem remissionem omnium peccatorum ex proposito baptismi: perfectius autem ex reali susceptione baptismi.

AD TERTIUM dicendum, quod ratio illa procedit de particularibus medicinis: baptismus autem operatur in uirtute passionis Christi, quae est uersalis medicina omnium peccatorum: & ideo per baptismum omnia peccata tolluntur.

ARTICVLVS II.

Vtrum per baptismum liberetur homo ab omni reatu peccati.

AD SECYNDVM sic proceditur. Videtur, quod per baptismum non liberetur homo ab omni reatu peccati. Dicit enim Apost. Ro. 13. Quae a Deo sunt, ordinata sunt: sed culpa non ordinatur, nisi per penam, ut August. dicit. ergo per baptismum non tollitur reatus pena: praecedentium peccatorum.

¶ 2 Præ. Effectus sacramenti aliquam similitudinem habet cum ipso sacramento: quia sacramenta nouae legis efficiunt quod figurant, ut supra dicitur: sed ablutio baptismalis habet quidem aliquam similitudinem cum ablutione maculae: nullam autem similitudinem habere uidetur cum subtractione reatus pena: non ergo per baptismum tollitur reatus pena.

¶ 3 Præ. Sublato reatu pena, aliquis non remanet dignus pena, & ita iniustum esset eum puniri: si igitur per baptismum tollitur reatus pena, iniustum esset, post baptismum suspendere latronem, qui ante homicidium commisit, & ita per baptismum tolleretur rigor humane disciplinae, quod est inconueniens. non ergo per baptismum tollitur reatus pena.

SED CONTRA est, quod Ambr. dicit super illud Rom. 11. Sine penitentia sunt dona & uocatio Dei, Gratia, inquit, Dei in baptismo gratis omnia condonat.

RESPON. Dicendum, quod, sicut supra dicitur, est, per baptismum aliquis incorporatur passioni, & morti Christi, secundum illud Rom. 6. Si mortui sumus cum Christo, credimus, quia simul etiam uiuimus cum eo. ex quo patet, quod omni baptizato communicatur passio Christi ad remedium, acsi ipse passus & mortuus esset. Passio autem Christi, sicut dictum est, est sufficiens satisfactio pro omnibus peccatis omnium hominum: & ideo ille, qui baptizatur, liberatur a reatu totius poenae, sibi debite pro peccatis, acsi ipse sufficienter satisfecisset pro omnibus peccatis suis.

AD PRIMVM ergo dicendum, quod quia pena passionis Christi communicatur baptizato, in quantum fit membrum Christi, acsi ipse penam illam sustinuisset, ideo eius peccata remanent ordinata per penam passionis Christi.

Ad

Sup. q. 68. ar. 1. & 2. d. 12. artic. 2. q. 1. dist. 27. q. 3. ar. 5. con. c. 19. & 72. Ro. 11. lect. 4. et. Heb. 9. in. Li. de peccat. ca. 9. h. de libarba. 18. r. 1. 2. 51. ar. 7.

Sup. illud ad Ro. 11. to. 5.

Ar. preced. & q. 68. artic. 1. & ar. 2. q. 1.

q. 68. ar. 1.